

10770.  
MELTEMATA

AD  
VALVULARUM CORDIS  
VITIA.

DISSERTATIO INAUGURALIS,

QUAM

CONSENSU ATQUE AUCTORITATE  
AMPLISSIMI MEDICORUM ORDINIS

IN  
UNIVERSITATE CAESAREA LITERARUM  
DORPATENSI,

UT GRADUM  
MEDICINAE DOCTORIS

RITE ADIPISCATUR,  
LOCO CONSUETO PUBLICE DEFENDET

MATTHIAS HANECKE,  
RIGENSI.

---

DORPATI LIVONORUM.

TYPIS J. C. SCHUENMANNI;

TYPOGRAPHI ACADEMICI.

MDCCXXXVI.

IMPRIMATUR

haec dissertatione ea tamen conditione, ut simulac typis  
excusa fuerit, quinque ejus exempla collegio libris ex-  
plorandis constituto tradantur.

Dorpati Liv. d. 17. m. Mart. a. 1836.

Dr. P. U. WALTER,  
O. m. h. t. Decanus.

D 17797

I.

DE MUTATIONIBUS VALVULARUM  
ANATOMICO-PATHOLOGICIS.

§ 1.

Valvula tricuspidalis pariter ac mitralis du-  
plicatura tunicae serosae, parietem et atriorum  
et ventriculorum internam obducens, efficiuntur.  
Medium inter utrasque lamellas, i. e. inter  
superiore in atria et inferiore in ventri-  
culos spectantem fibrae tendineae ex annulo  
cartilagineo Halleri ortae locum obtinent et  
valvularum consistentiam augent. Margo val-  
vularum in ventriculos dependens aut in tres  
dividitur lacinias, ut tricuspidalis, aut in duas,  
ut mitralis, atque haec fibris tendinosis laterali-  
bus corroborantur. Fibrae haec in progressu  
suo collectae firmis fasciculis partim ventriculo-  
rum parietibus, partim musculis papillois vel-  
teretibus in ventriculorum cava prominentibus  
et numero non minus quam crassitie ac longi-

tudine variis, annexuntur. Usus valvularum in eo cernitur, quod sanguini per orificia venosa introitus in ventriculos conceditur, ejus tamen effluxus impeditur; cui scilicet atris expulso, pendulas valvularum lacinias cunei ad instar dispellent et parietibus admoveenti influxum quam facilime permittunt, reditum autem e cordis ventriculis plane claudunt. Cum enim primum a parietibus ventriculorum contractis sanguis in axem ventriculorum pertruditur; pars ejus, valvulae cordisque parietibus interjecta, lacinias propellit, quod cum circa omnem ambitum sit, expanduntur valvulae sanguinisque partem, quae per conum valvulae apertae descendat, quo minus in sinum, contrahenteesse ventriculo, rebeat, impediunt. Imo valvulae in atrium forsitan revolventur, nisi musculi papillares earum margines continerent, easque contractione sua, quae una cum ventriculorum systole procedit, ita firmarent, ut quidem intendantur, neque vero laedi possint. Circa Aortae initium haud secus circa arteriae pulmonalis ostium tres valvulae semilunares collocantur, quae quidem singulæ eadem ratione, qua Aorta arteriam pulmonalem crassitie superat, multo crassiores sunt atque majores. Limbus earum alter cum rororum parietibus cohaeret, alter cujuscunque liber duriusculus magis atque crassior est, in medio nodulos, Arantii vocatos, prominulos, lentiiformes, cartilagineos offert. Quae vero valvulae cum pariete arteriae spatium versus cor clausum, sursum vero apertum, vel bursam aliquam effingunt, sanguis itaque, qui e corde contracto versus axem ventriculi

ergetur, cunei instar has valvulas pervadit; marginesque earum liberos arteriae parieti applicat absque impedimento ullo transfluens. Dilatatio vero ventriculo, a sanguine reddituro sigmoides extenduntur atque invicem admotae marginibus suis se contingunt, impediuntque, quo minus in ventriculum refluat sanguis.

### § 2.

Vitia valvularum varias praे se ferre solent formas, atque illis in arteriis corporis humani observatis fere simillima. Afficitur vel limbus in ventriculorum caveas dependens vel alter annulo fibroso adhaerens, ceteraque integra persistunt, vel, quantum patent, laeduntur et forma structurae a statu normali decedentes, haud longius muneri sibi proposito obsequi valvulae. Vitia, siquidem hoc in gradu inquinarunt eas, permulia procreari debent phænomena, quae non solum a laesa sanguinis circulatione, sed in turbatis allis etiam corporis functionibus originem ducunt. Bichat, Baillie, indurationem atque osteogenesin valvularum cordis hominibus jam aetate provocatis proprias esse contendunt — sed ex observationibus auctiorum constat, hujusmodi vitia in junioribus etiam conspici neque earum causam in provectioni aetate statim esse.

### § 3.

Praecipue valvula mitralis vitiis structuræ nec non formæ laborat, quae varium progres-

sus modum offerunt. Inenunte morbo, ut ita dicam de hacce affectione, vel externus, vel internus ejus limbus mutatione cartilaginea ob-sideretur, vel ut Corvisart, Berlin proferunt, fi-bro-cartilaginea: concretiones hujusmodi tunica serosa obducuntur. Morgagni (1) exemplum affert: mirales valvulas ambas prope limbos crassiores, durasque factas ibi in seriem majus-corum quasi globularum exuberasse. Corvi-sari, Berlin, Hope similia observarunt. Macu-lae haece interdum confluant, totamque valvu-lam ejusque lacinias occupant, imobilemque eam, forma variabilem, volumine auctam, in-crassatam, colore albicante praeditam, redundant. Coalescent laciniae, atque annulum efficiunt induraturn, inaequalem, interdum glabrum, sae-pius asperum, praecipue cum ad osteogenesin jam spectant. Foramen venosum sinistrum hoc modo coarctatur, ut, quod Corvisart (2) vidit, moneta parvula vix pertrudi potuerit; idem os-tium Abernethy in muliere triginta annos nata iu-rimam longitudine pollicis, linearum fere duarum latitudine mutatum invenit, margine irregulari, albicante praeditam. Idem observa-runt Vieussenius et Hunauld. Allan Burns (3)

valvulam mitralem duobus in cadaveribus pa-rietis ad instar transversi foramen venosum oc-cludentem, media in parte hiato minuto perfu-xam invenit. Berlin (1) orificium illud haud amplius tribus lineis, valvulam bicuspidalem revolutam, contractam, velis coalitis, annuli albidii prominentis more invenit. Hope (2) si-milem casum narrat, praeterea chordae tendi-neae fere extinctae erant. Laennec mutatio-nem cartilagineam quod attinet ad structuram cum ipsis cartilaginis constitutione haud con-venerit, atque imperfectam esse contendit. Me-ckel vero, et ni fallor jure, hocce discrimen refutat atque majorem vel minorem ejus duri-tiem a vario evolutionis gradu deducit. Osteo-genesis mitralis valvulae simili modo ut mutatio cartilaginea procreantur atque hanc illi ante-cedere antores confirmant: eam jam cartilagino-sam diversis in locis offificationis primordia praebentem videbant. In adultis praecipue in aetate proeytis vel sanis vel et magis rheuma-tismo et arthritide laborantibus lamellae ossea-tam in arteriis quam in cordis partibus fibro-cartilagineis inveniuntur, lamellarum vel squat-mularum formam induentes medium inter lami-nas membranae tenent locum; valvulamque

1) Epist. anat. med. XXV. 10.

2) Essai sur les maladies et lesions organiques du coeur et des gros vaisseaux par Corvisart. Paris 1811 p. 226.

3) Von einigen der häufigsten und wichtigsten Herzkrankheiten etc. von Allan Burns. A. d. Engl. von Nasse. Lemgo 1813 p. 30 sqq.

1) Traité des maladies du coeur et des gros vais-seaux par Berlin. Paris 1824 p. 188.

2) J. Hope von den Krankheiten des Herzens und der grossen Gefäße. A. d. Engl. von Dr. Becker. Berlin 1833 p. 477.

hand immobilem reddunt (1). Lamellae magis magisque confluent totumque non valvulae solum sed zonae fibrosae quoque ambitum obsident superficie inaequales, lapidi recens contrito haud absimiles, quare membranam serosam magis minusve perforant et ipso sanguine allununtur. Alia ossificationis generanda ratio est, si granulis minutis, flavescentibus, impellucidis provocatur, quae forma volumineque inter se discrepantia initio molliora sunt, postea indurescunt et coacervantur. Membrana quoque ipsa interdum afficitur, induratur, mutaturque in materiam osseam, laciniae ejus extinguumur, marginibus coaliuntur, mox in ventriculi mox in atrii cayum spectant; nec non excrescentiis ossis inquinantur, ut Corvisart, Andral viderunt. Coarctatur, ut reapse liquet, orificii venosi ambitus ita ut, Corvisart teste (2), penna anserina perduci haud potuerit; alio in casu foramen illud ad arteriae temporalis lumen reductum inventit. Bertin (3) indurations cordis sinistri, pro varia calcis vel phosphorici vel carbonici copia in quatuor dividit series; quarum prima e textura tendinea, fibro-cartilaginea et cartilaginea constat; altera, simplici salium calcareorum depositione superficiem tunicae intimae amplectente; tertia, incrustatione calcarea profundiores val-

vulae partes obtinente, et quarta demum metamorphosi totius valvulae, ossificationis naturalis legibus obediens insignis est. Primam vero formam, quae reliquarum generandarum ansam praebet, primordia ossificationis vocari vult. Meckel discrimen adesse negat, et praecipue pro varia salis phosphorici copia ossificationem perfectam atque imperfectam discernit. Texura enim partis infecta valde variat, magis minusve cum vera ossum conditione convenient; in casu priore calce phosphorico ditior et friabilior in senibus praecipue occurrit atque ab auctoribus ob duritatem petrosa vocatur. Lobstein (1) duplicit modo ossificationem generari, docet, aut eo jam memorato, aut crystallisationis animalis legi obsequente, in priore superficie glabra indicatur, in posteriore aspera, concretione irregulari pronata, ossi carioso, Laennec teste, similis conspicitur. Rarius chordae tendineae afficiuntur, Senac (2), Corvisart (3) exempla enarrant, in quibus ossificatae erant.

#### § 4.

Ex observationibus auctorum tum antiquorum, tum recentiorum appetet, valvulam bicuspidalem pariter ac sigmoideas Aortae prae ce-

1) Traité d'anatomie pathologique par Lobstein. Paris 1833. Tom II. p. 511.

2) I. c. p. 206.

3) I. c. p. 205.

1) I. c. p. 510.

2) Senac's Abhandlung von den Krankheiten des Herzens. A. d. Französischen Leipzig 1781 p. 203.

3) I. c. p. 214.

teris mutatione texturae hæc affici. Corvisart (1) phænomenon hocce a propria valvulae structura, transmutatione vel osseae vel cartilagineæ aptiore deducit. Bertin (2) ejus opinionem refutat et variam ventriculi sinistri accusat functionem: ventriculus hicce, inquit, sanguinem excipit vivaciorem, majori salium calcareorum copia praeditum, unde mirari haud licet valvulum ejus, ad indurationem procliviorem esse; præterea saepius mutationem illam ab inflammatione tunicae internæ, cuius vestigia cadavere recluso, adspiciuntur, procreatam observamus. Laennec sanguinis arteriosi constitutionem magni esse momenti in generanda osteogenesis, quippe quæ saepius in sinistro corde videri soleat, contendit. Meckel (3) peculiarem tunicae intimæ structuram osteogenesos esse causam censet: majore enim asperitate praedita magis ad hujusmodi vitia oriunda spectare ei videtur. Andral (4) inflammationem accusat, præcipue si in aetate florente hæc mutations adsunt. Hope nil de causa proxima dijudicaturus, fortiorum ventriculi sinistri actionem huic vitio favere haud negat.

---

1) L. c. p. 197.

2) L. c. p. 214.

3) Handbuch der pathologischen Anatomie. Band II, Abth. 2 p. 170.

4) Beobachtungen über die Krankheiten der Brust von G. Andral, übersetzt von Balling. Landshut 1832 p. 45.

### § 5.

Valvulae sigmoideæ Aortæ præ ceteris hac structuræ texituraeque afficiuntur mutatione etiam reliquæ cordis valvulae in statu sano persistunt: incipit a parte Aortæ pariete connexa, vel limbo interiori nec non ab Arantii nodulis, rarins media pars obsidetur. Metamorphosi aut cartilaginea aut ossea aut utraque simul laborant, una alterave valvula vel omnes inquisuntur. Basis valvulae unius vel omnium simul toto in ambitu afficitur, coarctatur ostium arteriosum; inflexilem valvulam mutatio illa haud semper reddit, neque ei in muovere fungendo impedit. Noduli Arantii si laeduntur, intumescent et mutantur in excrescentiam inaequalem, prominentem nec non, teste cl. Bertin (1), ad ovi columbinum usque magnitudinem pervenient, ambitus orifici minuitur pariter ac mobilitas valvulae, quo sit, ut claudere, ventriculo expanso, arteriae magnæ aditum haud valeant et régurgitatio sanguinis propulsæ provocetur. Valvula tota in massam cartilagineam conversa, Laennec (2) auctore, volumine, situ, forma valde mutatur, præcipue si in osteogenesis jam specciat; laciniae contractæ, durae, rugosæ inventiuntur et in apice quasi in tubercula non paucæ crassescentes (3). Incurvant sese valvulae

---

1) L. c. p. 192.

2) Traité de l'auscultation mediate par Laennec. Bruxelles 1828, p. 564.

3) Morgagni de sed. et causis morborum Ep. XXIII, 12.

ita, ut apex earum vel ad concavam vel ad convexam spectet superficiem, cuiuscunq; conchae formae haud absimiles, sic immobiles atque pro vario incurvationis modo aut Aortae parieti, sed rarius, aditiae, aut in ventriculi cavaum descendentes persistunt; in priori casu nisi nimis durae atque tumidae sunt ne ullum quidem sanguini adgredienti impedimentum praebent; in posteriori vero angustant Aortae aditum. Andral<sup>(1)</sup> duas valvulas sigmoideas concrementis osseis obssessas, immobiles, inflexilesque in Aortae lumen prominentes videbat. Exemplum huic simile Corvisart afferit, in quo fere nulla sanguini restitisset via, nisi una valvula, basi mobilis, spatium praebusset. Concretiones autem petrosae<sup>(2)</sup> sic dictae ob duritatem, pyramidali forma praeditae, stalactitis more, vel in aortae vel in ventriculi lumen prominentes visae sunt. Interdum, ineunte morbo, dirumpuntur valvulae atque limbi inde effecti excrescentia irregularibus, osseis obsidunt<sup>(3)</sup>. Singulae valvulae coalescent atque annulum vel cartilagineum vel osseum efficiunt angusto adeo foramine instructum ut vix digiti minimi extremitatem illud perduci possit<sup>(4)</sup>.

§. 6.

Tricuspidalis valvula orificio dextri ventriculi venosum amplectens ceteris rarius ab induratione vel ossea vel cartilaginea obsidetur. Bichat<sup>(1)</sup> eam hoc modo transmutari omnino negat, „la membrane interne de ces vaisseaux (des veines) n' offre jamais, inquit, d'ossification, soit dans les veines elles-mêmes, soit dans le partie correspondante du cœur.“ Atamen Morgagni praestans hujusmodi exemplum affert, in puella enim annos fere sedecim nata indurata inventi valvulas tricuspidales pariter ac sigmoideas arteriae pulmonalis. Cruwel<sup>(2)</sup> eas et bicuspidalem maximam partem cartilagineas, nec non corpusculum cartilagineum sigmoideis arteriae pulmonalis inclusum observavit. Hunaud et Vieusenius similia pronunciant. Berin<sup>(3)</sup> se vidisse, ait, tricuspidalem valvulam crassam velis inter se coatis parietis ad instar aditum ventriculi dextri occupantem, media in parte perforatam, ut vix digiti minimi extremitas pervehi posset, Corvisart et Allan Burns (l. c. p. 54) tricuspidalem induratum hic illic futuri ossis inchoamentis praeditam invenierunt. Memoratu dignum est, Laennec teste, si haec aderat valvularum venosarum mutatio,

1) l. c. p. 46.

2) Bertin l. c. p. 215.

3) Hodgson über die Krankheiten der Arterien u. Venen. A. d. Englischen von Koberwein. Hannover 1817 p. 51.

4) Bertin l. c. p. 192.

1) Anatomie pathologique derniers cours de Bichat par Boisseau. Paris 1825 p. 266.

2) De cordis et vasorum osteogenesi in quadrangario observata.

3) l. c. p. 197.

saepissime atria vel ventriculos, foramine ovali aperio, inter se communicasse atque utrumque par ostiorum cordis eadem affectione correptum fuisse. Hope ei assentit. Praestans hujus modi exemplum (1), a Dno Dre Blosfeld, Rigae medicam facilitante, nobis communicatum est. Valvula tricuspidalis fibris transversis intertexta ostium venosum fere cludebat, ita ut non nisi in margine dextro spatium digito auriculari minus relinqueretur. Eodem modo sed paulo minus valvulae mitrales ostium venosum sinistrum coarctabant. In septo atriorum vero ad fossam ovalem ad pennae anserinae ambitum rima adspiciebatur.

§ 7.

Sigmoideae valvulae arteriae pulmonalis initium ambeuntes rarissime vitiatae inveniuntur, exempla quaedam interdum ab auctoribus commemorantur. Morgagni praestans exemplum enarrat (2). Sigmoideae ad basin quidem erant statu normali sed parte superiore cartilagineae videbantur, quin exiguum ossis frustulum jam habebant, erantque ea parte sic inter se colligatae, ut vix foramen relinquerunt lente non majus, per quod sanguis exiret. Erant autem ad illud foramen quaedam exiguae productio-  
nes carneo-membranosae ea ratione collocatae

ut valvulae munere suo fungì possent et neque egredienti sanguini cederent, neque regressuro obstant. Bertin (1) orificium arteriosum parate horizontali ei apertura linearum duarum cum dimidia praedito occlusum vidit; alio in cava-  
vere (2) columna quedam muscularum papilla-  
rium illi ostio adhaerebat, valvulae sigmoideae  
annulum fibrosum formaverunt, cuius hiatus ea-  
dem amplitudine erat qua in casu antecedenti.  
Aperto foramine ovali vel ductu arterioso hand  
occluso, arteriae pulmonalis aditus acus acumine  
ne haud amplior adspiciebatur (3).

§ 8.

Ex crescentiae aliam viitorum cordis val-  
vulas occupantium seriem aperiunt, quae molles  
et fungiformes tum valvulas ventricularium  
tum praecipue arteriae magnae rarius pulmo-  
nalis arteriae ostia obsident. Corvisart earum  
formam cum condylomatibus vel verrucis sy-  
philiticis comparavit. Laennec duplicum vege-  
tationum seriem distinguunt, quarum alteras vege-  
tationes verrucosas, alteras globulosas vo-  
cat. Priori seriei eas cl. Corvisart et jam an-  
tiquitus a Rivierio observatas adnumerat.

1) I. c. p. 199.

2) I. c. p. 200.

3) Kritisches Repertorium für die gesammte Heil-  
kunde, herausgegeben von Casper. Bd. XXVIII. 1851.  
p. 279 sqq.

1) Vid. hist. morbi.

2) Epist. XVIII. 12.

Forma et superficie asperitate cum fragis convenient, interdum quoque glabrae adspiciuntur; mox cylindraceae, irregulares, elongatae, fere modiolum aemulantes apparent. Compressoae interdum sparsae vel confertae superficiem valvularum tendinearum chordarumque inaequalem reddunt, simulque parietes atriorum et ventriculorum occupant: nec non in uno valvulae limbo in ventriculi cavum spectante vel in zona fibrosa adspiciuntur, trium fere linearum longitudinem expletentes. Quo in casu cristae galli fere formam aemulant. Quod ad colorem attinet, speciem ossiferum albicantem ei valvularum similem, maculis roseis, ex rubro violaceis intermixis. Textura carnosae sunt et cum condylomatum fere forma convenientes, parti subjacenti leviter adhaerent, interdum eas, nonnisi cultro adhibito, removere a loco occupato queas; quo in casu molles, ex flavidobalbescentes, pinguedinis fere colorem praefereentes atque humido scatentes videbantur. Membrana cordis interna, cui adhaerent vegetations, magis minusve indurata aut cartilaginea aut ossea mutatione obsideatur, nec non ex ulceratione infecta lacerataque comprehenditur. Ex integra valvulae superficie si procreantur excrescentiae, numerosae, variisque in locis simul adspiciuntur; exulcerata vero valvulae superficie affectam solam partem occupant (1). Observavit vegetations cl. Laennec praecipue

valvulam mirale, tricuspidalem, arcusque arteriae magnae atque pulmonalis, ratus atriorum faciem internam aique cor dextrum, saepius sinistrum obsidentes. Corvisart (1) originem syphiliticam illis dat et querit cur non hujusmodi vitia eodem modo in corde ejusque membranis atque in cuto externa aliquis corporis partibus, lue suscepta, oriantur? Quinque enim enarrat exempla, ubi, cadavere recluso, excrescentias hasce observavit, quorum tamem unum solum syphilidis vestigia praebuit: reliqui vero autores, luem illis non subesse, consentiunt. Sandifort pariter ac Meckel in foetu eas observarunt. Vegetations hasce verrucosas, putat Laennec, siquidem sanguinis cursus per vasa cordisq[ue] eava quacunque causa turbant, coagulis ejus provocari, cum valvulis resorptionis ac nutritionis ope coalescere, pseudomembranarumque more, propria vita atque structura gaudere (2). Berlin (3) eas cum granulationibus inflammatione in membranis serosis exortis e modo convenire contendit, ut difficile discrimen inter urasque ponere queas, quare granulationes albuminosas eas vocat et eodem tunicam intimam cordis laedeni processu pronatas esse putat. Favent huic opioni observationes autorum, qui praecipue in sinistri cordis cavi-

1) I. c. p. 217.

2) I. c. p. 585.

3) I. c. p. 218.

tate vegetationes invenere. Sanguinis circuitus si retardatus vel momento quidem fere suppressus fuerit, coagula ejus praecipue cor dextrum, muscularum vel atri vel ventriculi interstitia, arteriamque pulmonalem occupare, physiologia quoque docet (1). Hope (2) vitia haec simili modo describit, originem vero e coagulis negat, sed processum inflammatorium proprium vel ab organismo toto vel a partis laesae structura mutata procreatum vegetationibus illis, praecipue majoribus subesse cogitat. Andral opinionem a cl. Laennec prolatam affirmat. Lobstein (3) nutritionis mutationem, quam causam aliam accusare maynt. Ex his fere concludere licet, si ad omnia respicimus argumenta, inflammationem tunicae serosas maximam partem degenerationes haec excitari; excrescentiae enim obsident praecipue cor sinistrum vel valvulas orificia ejus occidentes; phaemonema illis oriundis antegressa inflammationem indicare videntur (4); et coagula, si quae essent, saepius quam revera sit, in corde dextro comprehenderentur.

§ 9.

Excrescentiae vel, ut doctissimi Laennec utamur vocabulo, vegetationes globulosae a praecedentibus valde differunt: formam enim bullae parvulae vel cistae sphaeroideae nec non ovatae a pisid ovi columbini usque magnitudinem praebere solent. Externa superficie aequales, flavidio-albicantes conspicuntur: paries, quo circumdatur, opacus et in veteratis concretionibus polyposis similis est, albumen ovi cocti consistentia superat; quod ad ejus latitudinem attinet, linea dimidia haud amplior esse solet. Interna cistae superficies minus glabra, molliorique substantia quam externa formatur, magis magisque in fluidum a se contenuta mutari videtur; quod vero fluidum sanguinem liquidum aëmulat, interdum pulvere insolubili nec non coagulis turbatum appareat, colore interdum violaceum, consistentia pultaceum saepius vini fermento, vel puri incrassato haud absimile est, e fibrina degenerata, ut in sacco aneurysmatico adspicitur, consistere videatur. Excrescentiae globulosae observantur in ventriculis pariter atque in cordis atris, eorum parieti adhaerentes, tam in dextra quam in sinistra superficie atque inferiorem partem ad mucronem versam ventricularum obsidentes. Instructiae sunt pediculo irregulari, firmo, cum musculis papillaribus leviter connectente, ita ut nullo negotio, integrum a sede sua removere queas. Pediculus hicce stylo polypo similis, semipellucidus, quem tamen texitura perfectiori

1) Burdach's Physiologie Bd. IV. p. 576.

2) Hope l. c. p. 264.

3) l. c. II. p. 507.

4) Praestans atque opinioni editae exemplum favens enarrat Stannius in Repertorium der gesammten medizinisch-chirurgischen Journalistik, herausg. v. Kleinert. VIII. Jahrg. 1854. Heft XI. p. 101.

superat coagula sanguinis haud mutata contine  
re solet. Laennec eum serius cista orium esse inde putat. Corvisart hujusmodi nil mem  
orat, Lieutaud, Allan Burns similia pronunci  
ant, praecipue vero has concretiones in atrio sinistro observarunt. Quod attinet ad causam vegetationum globulosarum, inflammationem illis subesse negat Laennec, quippe cuius ne ulla quidem vestigia neque in cista neque in partibus viciniis inventariuntur: quare eas sanguine coagulato procreatas atque cum tunica interna in temporis decursu connatas esse opinatur. Hope (1) hasce vegetationes polypis majori jure adnumerati putat, earumque originem a retardata sanguinis circulatione deducit, cum viuā illa praecipue in hominibus macilentis, cachexia affectis, extremis vitae diebus inventiantur. Nihilo tamen minus inflammationem non concedit, qua in re consentientes habet cl. Audral et Lob  
stein.

---

1) l. c. p. 411.

---

## DE SIGNIS ATQUE VITIORUM EFFECTU VALVULARUM.

### § 10.

*Signa*, quae ostia cordis angustata esse indicant, praecipue et laeso sanguinis per corpus et per pulmones circuitu orientur et functionis turbatae symptomata in reliquis organis socia habere solent. Senac (1) ne ullum quidem huic vitio proprium indicat signum, in capite sui operis tamen, quo de syncope agitur, eam saepius hoc cum morbo junctam esse monet. Corvisart (2) vero, signa pathognomonica praecipue a circulatione turbata deducit et medicum ex his solis morbum cognoscere debere contendit: pro varia affectionis natura in duas distinguunt series indicia: quarum alteram ad obliterationem permanentem sed imperfectam

---

1) l. c. p. 528, 533.

2) l. c. p. 517.

orificii cuiusdam, alteram vero ad momentaneam spectare licet. Illam indurationi vel ossificationi ostii et venosi et arteriori propriam esse dicit, hanc autem intervalla liberiora concedentem vegetationibus valvulas occupantibus attribuit. Allan Burns (1) optimo jure monet, saepius in cadaveribus reclusis valvularum via inveniri, quam vitae decursu signis certis ea pronunciari. Quod praeципue in senibus contingit, qui per longum temporis spatium pulsu irregulariter laborant, deficiente dyspnœa atque oedemate. Imminet illis vero morbi acme, qua vel corporis vel cordis viribus jam exhaustis obstaculo devincendo haud sufficiuntbus, respiratione quam maxime angusta simul cum oedemate eos corripit et aegroti haud raro repentina morte abripuntur (2). Ex ipsa re apparet, signa vitiæ hujusmodi, ineunte morbo, dum quieta atque moderata vitae conditione gaudent aegrotantes, etiam non plane desunt, tamen haud magnam excitare posse molestiam, increscente vero affectuose majorem adscendere gradum nec non mortis periculum afferre posse.

### § 11.

Cor ipsum, morbi sedes, functiones laesae primordia edit. Ostia enim ejus vitiis inquinata sanguinis circulationi obstant, unde inae-

qualis hujus fluidi in cavitates visceris distributio oritur, altera cavea nimia sanguinis copia scatet, altera omnino ea caret; si vero motu vel corporis vel animi circulatio augetur, cavatas supra ostium angustum sita sanguinis mole distensa ad maiores ejus propellendi excitatur conatus atque cordis contractiones vehementiores et ab aegroto, et a medico vel manu thoraci applicata vel oculis ipsis facile intelligi possunt. Spasmus etiam contractiones cordis committere solet, quare irregulares sunt et vi numeroque a statu normali decadunt. Rhythmus etiam turbatur, ita ut vehementiores et debilioris ictus imo etiam ipsas intermissiones, que statu paralyticō spasmus sequente, producuntur, inter se varient; Laenae hujusmodi intermissiones arrēs ou hesitations vocat. In decursu morbi saepissime vel totius cordis vel partis cuiusdam structura mutatur, hypertrophia laborat praecipue ventriculus aut atrium supra vim angustam situm, ob vim in sanguine propulsando exhibendam; lumen cavearum minuitur, saepius vero augetur atque ejus vitiæ signa cum illis coarctata ostia indicantibus, incedunt. Inaequalis sanguinis per pulmones distributio variaria respirationis ingratiae indicia procreari solet. Signa quieto respiratio plana lentaque procedit neque profundorem spiritum ducere aegroti prohibentur; si vero quoconque animi aut corporis motu sanguinis ad pulmones afflatus augetur, sique orificia praecipue sinistri cordis vitiata acceleratae sanguinis circulationi obstant, vasa pulmonalia nimia fluidi copia extenduntur, atque aer, spiritu solito haustus ad

1) I. c. p. 188.

2) Andral I. c. p. 46.

eius decarbonisationem haud sufficit, oppressio-  
nis atque anxietatis inde sensus oritur et aegri  
majores ad pulmones distendendos adhibere co-  
acti vires, crebro vehementerque spiritum tra-  
hant. Dyspnoea haecce antecedere solet reli-  
quias morbi indicis et, ineunte vitiis, exercitatione  
sola corporis nimia, ascensu montium at-  
que scalarum provocatur, in dies vero adeo  
crescit, ut ne situm quidem horizontalem aegro-  
tum concedat atque cum suffocationis periculo  
et lipothymis, cum livore faciei,urgore et  
pulsionate venarum jugularium societur. Imped-  
ito vero sanguinis ad pulmones aditum, si dex-  
tri cordis ostia vitiis inquinata sunt, eadem fere  
phaenomena producuntur contraria tamen e cau-  
sa; respirationis scilicet organa sanguine, tan-  
quam irritamento necessario carent, dum nimia  
eius moles atrium aut ventriculum dextrum  
onerat, quare oppressionis vel constrictionis sens-  
us, teste Burns, praecordia obsidere solet. An-  
gustiae illae respirationis, valvulis cordis indu-  
ratis effectae ab iis, quae pulmones laesi pro-  
ducunt, in eo differunt, quod intervallis solis  
contingunt, neque ullum in thorace extendendo  
obstaculum praebent, neque loquendi facultatem  
prohibent. Tussis quoque saepissime valvula-  
rum vicia comitans consensu excitata mox ad  
impetus mali accedit, mox aegrotantes intervallo  
jactat, vehemens, violenta auditur atque motu  
corporis semper excitatur, vel angetur. Sputa  
parca et mucosa sunt, siquidem dextri cordis  
ostia vitiis obidentur atque sanguinis ad pulmo-  
nes adgressus impeditur sed sputa larga inter-  
dum cruenta, affecto corde sinistro, quae sae-

pius et pulmonum vasis, nimis sanguinis mole  
distentis atque interdum rupili originem ducere  
videntur.

§ 12.

Pulsum mutatum, turbatum sanguinis per  
cordis orificio cursum indicantem Testa et  
Kreyssig majoris momenti esse negant, quippe  
quem arteriae contrahentes saepius etiam non  
regularē, tamen minus turbatum quam pro  
obstaculis reddant. Hanc vero opinione Par-  
ry, Oesterreicher, Wedemeyer experimentis suis  
inuitantes plane refutarunt; demonstrarunt e-  
nim arteriis nullam inesse vim, qua vibrations  
sueas peculiari modo, haud respectu cordis ha-  
bito, modifcentur. Qua de causa recentiores  
majorem pulsus dederunt dignitatem in hujus-  
modi morbi diagnosi. Affectione minori eum  
haud valde vitiōsum reddi posse, experientia  
satis edocet. Incrementi malo pulsus vicia pro  
varia morbi sede valde inter se discrepant;  
laeso orificio sinistro praecipue Aortae, arteriae  
radialis vibrations cum cordis ictu haud con-  
venire observantur. Corvisari ex hocce uno  
circulationis turbatae indicio medicum diagno-  
sin semper statui posse contendit. Affecta val-  
vula mitrali, nimis parva sanguinis copia vehi-  
tur in cor sinistrum atque arteriae radialis pul-  
sus intermittens observatur ita ut nonnullae ven-  
triculi sinistri contractiones debiles, stethoscopio  
adhibito vix intelligendae, a pulsu radiali haud  
reddantur, fortiori vero cordis ictui responde-  
ant. Majori in gradu irregularis pulsus in ra-

dio invenitur, rhythmus ejus laeditur atque vibrations vel vi vel tempore inter se differre consuecant. Quae vero mutationes eo magis prodeunt, quo arctius redditur foramen arteriosum sinistrum, praeceps si sanguinis circuitus variis ex causis acceleratur.

§ 13.

In exponendis morbi symptomatis respiratione debemus ad sanguinis regurgitationem; valvulae enim minus mobiles redditae haud satis redditum sanguini mox repulso a contrahente se cavea altera infra obstaculum sita intercludere valent, ita ut, cum pars ejus in alteram tunc redit, quando haecce aliam advenientem sanguinis partem excipere jam debet, necessario et pars redux et pars propter obstaculum paulo ante non extrusa occupet eundem locum, qui ratione ex naturae instituto soli sanguini advenienti patet. Quae res denique et pulmones et cor non praeggravare non potest, hocce vero cogit ad maiorem conatum sanguinis restitantis ejiciendi. Inter propria coarctata orificia venosi sinistri signa Corvisari (<sup>1</sup>) susurrum peculiarem memorat, facile intellectu, manu regioni praecordiali applicata. Quem Laennec (<sup>1</sup>) fremitus cataire vocat eumque cum sono comparat, quem feles manu leviter demulcta edere

solent atque dum aegrotus loquitur, voci in pectoris cavea resonanti similis percipitur. Observavit Laennec susurrum huncce praecipue in regione praecordiali sinistra, interdum vero in tota pectoris superficie anteriore, nec non in superiori sterni parte. Arteriae, ut jam Corvisari memorat, debiliorem edunt sonum, quem vero Laennec non semper certum valvularum cordis sinistri affectarum signum esse putat, sed magis a nervorum influxu vario pendere existimat, quippe qui in hominibus nullo hujusmodi vitio laborantibus observetur. Signis enim stethoscopio adjuvante exhibitis strepitum aeri follium fababilem pervenient haud absimilem (bruit de soufflet, Blasbalggeräusch) adnumerant auctores, qui ventriculorum atque atriorum diastolen comitatur atque sonum, statu sano cordis actione proditum percipere haud sinit, interdum ad systolen quoque sese extendit; in arteriis etiam audiunt et mox nulla cum intermissione mox unacum systole cordis in illis percipiunt. Quod ad ejus extensionem attinet, vel ventriculi vel arteriae solum obtinet lumen, vel majori in ambitu observatur. Audiunt strepitum hicce in contractione atrii sinistri, si valvula mitralis vitio infecta est; atque systole ventriculi sinistri et arteriarum pulsus sonitum illum edunt, Aortae valvulis affectis. Ventriculi dextri orificia si vitia sunt, strepitus in regione quinta<sup>a</sup>, sextae et septimae costae cartilagineum audiri potest. Vitia valvularum siquidem ad altiorem gradum pervenerunt limae vel serrae strepitum (bruit de scie ou de râpe) cordis regionem occupantem praebent. Sonitum

<sup>1</sup>) I. c. p. 232.

<sup>1</sup>) I. c. p. 565.

subinde sibilantem (bruit de soufflet musical ou sibilant) autores memorant, quem Laennec solis in arteriis observavit, nunquam in corde atque cum sono confect, quem *chorda metallica*, diutius jam pulsat, edit, interdum vero certaque scalae nota eo indicatur, quae in casibus perarris vel cum proxima altiore aut inferiore alternare potest, ut idem auctor in *semina quadam delicatula*, phthisi tuberculosa jam laborante, comprehendit. Elliston in homine eundem audiuit sonum, cuius cadavero recluso, valvulam mitralem verrucosa magni ponderis excrescentia obsessam vidit. Hope strepitum huncce bronchios occupare atque corde se contractaque esse que comprimente effectum esse putat, quia eum sola in systole cordis superiore sterni partem obsidentem perceperit. Sonitum bruit de soufflet vocatum prius Laennec pro certo induratae vel ossificatae valvulae indicio habere voluit, postea vero in hominibus vel acutis vel chronicis morbis laborantibus comprehendit, quotum cadavera aperta ne ullum quidem vitii hujus praebueret vestigium, quam ob rem strepitum huncce a statu spasmodico cordis arteriarumque deducit. Nam antecedenti animi pathemate corporisque nimia exercitatione in hominibus praecipue majori sensibilitate praeditis eum observavit. Quae sententia cum illa a cl. Kreyssig pronunciata convenit, qui contractiones cordis, in morbi accessione, vehementes, irregulares cum maximo aegrotantium angore incidentes spasmo ventriculos atriaque excipienti adscribit, eo magis, quo strepitus uteisque praecipue

in morbi accessione audiri solent. Bertin (1) saepius haec indicia valvularum vitia comitantia observasse et ex illis malum quoque conguovisse se memorat. Hope ea haud refutat, sed alio modo interpretatur. Laennec enim in praeclaro suo opere duplice auscultatione indirecta sonum cordis contractiones comitantem observari ait, illum tempore priorem ventricularum, hunc vero ariorum systolae adscribit. Hope (2) autem, multique alii viris etiobus demonstrarunt, atriorum contractionem statu sano sonum nullo pacto edere posse, iliumque, quem Laennec illis attribuerit, ventricularum diastolae adscribendum esse. Hac de causa atria nihil vitii indicare possunt, atque solis in ventriculis signa pathognomica sunt inquirenda. Annotat quoque Hope, strepitum obtusiores atque surdiiores audiri, si ostia venosa vitis infecta sint, eosdem vero sibilo similes esse et thoracis superficiei propriores videri, si Aorta vel arteriae pulmonalis initia laborent. Mitiiores quoque percipiuntur, si facies affecta glabra vel excrescentiis mollioribus obsessa est, duriores vero atque serrae vel limae strepitui magis similes exhibentur sonitus, si superficies aspera vel degeneratione ossea inquinata est. Signa stethoscopii ope, ad sanguinem regurgitatem accidentia percipiuntur, inter se pro gradu sedeque vitii valde discrepant et systolen

1) l. c. p. 225.

2) l. c. p. 22—31.

diastolenque cordis comitari solet. Stridorem (Schwirren) memorat Hope, vibrationibus sanguinis viam angustatam pervehentis procreatrum aquae in regione praecordialium interdum in arteriis auditum. Pulsus exploratus eum nunquam exhibuit, quando aegrotans quiescebat nisi hyper trophyia una cum angustato Aortae orificio aderat vel Aortae superficies interna asperata motum sanguinis turbabat. Quando vero ad palpitations cordis accedit stridor, eum, quocunque alio et cordis et arteriarum viuo deficiente, aucto sanguinis motu attribuendum esse, Hope cogitat. Valvularum vero vitia, si cum hocce stridore sonnacita sunt altiore jam ad gradum pervererunt, quo in casu orificium Aortae occupare solet stridor, a sanguine regurgitante excitatis et ad systolem ventriculi sinistri accedit; in diastole vero percipiuntur si valvulae foramina venosa custodiientes mutatae sunt: ob impedimentum sanguinis in ventricorum caveas aggressum. Laesi mitrali valvula pulsus eum praebere non solet. Haec tamen signa sola auscultatione indirecta adhibita certam morbi diagnosis reddere hand valent, ut jam cl. Laennec monet, quippe quae aliaquam cunque causa excitata esse possint. Si vero per longum temporis spatium indurant et ad quietem adque motum corporis accedunt, si nam eandemque cordis partem occupant, atque in serrae vel limae strepitum mutantur, acceditibus reliquis hujuscemodi vitia indicantibus signis, si accedit strepitus felium susurrui similis, sique vena secta symptoma haecce vix minnuntur vel mutantur, eo majori quoque jure

de vitiis valvularum conjecturam facere possumus.

§ 44.

Venae jugulares interdum vibrantes antiquitus jam observatae sunt<sup>(1)</sup>; quod vero phænomenon dilatationi artii dextri et coarcitioni orificiū dextri venosi attributum est. Recentiores in eo convenient, hancce venarum pulsationem a sanguine e ventriculo dextro in auriculam repercuso pendere, si aggressus ejus ad pulmones ab angusta vel indurata valvula tricuspidali vel valvulis sigmoidiis arteriae pulmonalis impeditatur; contrahente enim se ventriculo vel atrio, sanguinis pars, cui transius per viam vitiatam haud conceditur, in venarum cavarum lumina retruditur; pulsatio illa eo magis prodit, quo magis ventriculus vel atrium dextrum hypertrophia laborat. Distinguamus oportet hanc pulsationem, quae cordis systola convenit, ab illa huic non respondente atque vibrationem solam irregularem exhibente: cui vero Aortae aneurysma nec non glandulae colli tumefactae ansam interdum praebere solent. Animi deliquia valvularum vitia pariter ac reliqua cordis affectiones organicae pedissequa habent. Kreyssig eadem a statu cordis patalytico deducit, si vires ejus propulsando sanguine exhaustae sint, quia vel aliae

---

1) Morgagni l. c. epist. XVIII. 8. 9. 10.

caussae cordis vel arteriarum sensibilitatem afficienes eadem provocent. Si vero, ut ante dimicimus, spasmus perpeti potest cor, necesse est, ut tempore relaxationis spasmus excipientis, si sanguinis nimiam molem ejus paries distendenter protudere nequeat, adynamia occupetur, quae vero, consensus lege, a plexu cardiaco in sistema nervorum cerebralium atque spinalium traducta, lipothymiae symptomata edere sollet. Anxietas quoque ab auctoribus hujus morbi certis adnumeratur indicis atque praecipue in accessionibus ejus observatur. Cor enim pulmonesque, statu quieto, circulationi atque decarbonisationi sanguinis satisfacere valent; accelerato vero ejus cursu, organa jam laesa nequam muneri suo sufficere queunt; aer, solito more ductus sanguinis molem venosi hand satis in arteriosum convertere potest, vasaque pulmonalia ab eo distensa bronchiorum ramos comprimit, quamobrem cordis contractions debiles, irregulares adsunt. Aegroti, erecta cervice, demissis pedibus crebro vehementer anhelare coguntur; palpitaciones cordis violentiae et spasmodicae accedunt, quibus sanguis coactervatus protruditur ejusque distributio aequaliter restituitur. Incipiente morbo hujusmodi anxietatis impetus nimia corporis exercitatione vel animi pathemate producuntur, increscente vero, ob ancta impedimenta pariter ac ob functiones organorum respirando circulandeque praefectorum laessas, continuo fere aegrotantes vexare solent, nullumque illis concedunt intervallum, aegrotis cuiuscunq; quietis expertibus vires exhaustiuntur; raro asphy-

xia in ipsa accessione exextinguuntur. Decubitus in dorso haud conceditur, quia hicce sanguini ad pulmones majori in copia ruenti faciet et impetu morbi ansam praebet, magis vero in uno altero latere; extremis diebus perpetuo sedere debent aegroti.

### § 15.

Dolores haec valvularum vitia comitari variamque prae se ferre formam sole, vel in regione praecordiali vel in brachiis, collo et capite nec non in scapula sedem suam collocare, auctores enarrant; mox persistunt, mox vero in accessionibus tantum sentiuntur, modo obtusiores, modo pungentes rheumaticis simillimi ab aegrotantibus accusantur. Qui vero dolores nequam certis adnumerare possumus signis, deficient enim interdum vel sedem mutant; si vero adsunt, diagnosin hand affirmare nequeunt: atque, Berlin auctore, (1) opinioni, qua valvularum vitia ab inflammatione aucta vel lenta producantur, favere videntur. Si vero ad sistema ganglionis cordis actioni praefectum, ejusque cum nervis spinalibus conexum respicimus, facile intelligitur, dolores praecipue ex aucta cardiaci plexus sensibiliitate, in sistema nervorum spinalium traducta, ori.

Functiones enim cerebri totiusque systema

---

1) I. c. p. 218.

itis nervosi laeduntur duplīcē e causa; sanguinis enim circuitus irregularis vasa ad haec organa proficiscerit, mox nimium adimplet, distenditque eorum paries, partes vicinas comprimit, turbatque eorum functiones nec non rupturae vasorum ideoque paralyticas vel apoplecticas affectioni ansam praebet; at etiam nutritio in hisce organis turbatur, nervorumque actiones debiliores atque irregulares reddituntur, inde variae vel coenaetheseos vel sensuum affectiones deriventur necesse est. Systema digestio-  
nis munere fungens hand integrum persistere posse satis constat; vitia haec si alio-  
rem ad gradum pervenerunt, praecipue venae portae circulationem turbant; impedito sanguini-  
nis ad pulmones adgressu, tumet jecur ob ma-  
jorem sanguinis venosi ejus vasa obtinentem molem: augentur mutanturque secretiones organorum abdominis, blenorhoea tunicae mucosae tractum intestinalem induentis nec non secretio-  
nes sanguineas ob vasa turgescientia provocan-  
tur. Laesa digestio-  
nis accedunt symptomata. Praecipue vero e turbato sanguinis cursu nec non e pejori ejus conditione oedema telae celluloseae, cavearumque hydropses originem ducent solet. Hydrops enim, qui valvularum vitia comitare solet, eundem fere ordinem, ut in reliquis cordis affectionibus, in progressu suo praebet; incipit enim a pedis malleolis, ut parte a corde remotissima, gradatim extremitatum inferiorum totum ambitum amplectitur; rati-  
nus vero ut Corvisart, Audral (1) observarunt,

(1) I. c. p. 104.

manus una cum pedibus aedemate obsidentur. Facies jam, ineunte morbo, tumore oedematoso multo minori in gradu perdurante obsidetur, et si reliquarum cavearum hydropses accedunt, augetur ejus oedema. Observarunt ingredum telam celluloseam, interiora corporis organa am-  
plicentem colluvie serosa obssessam, atque praecipue eam tunicae mucosae tractus intestinalis ut vesicæ felleæ, urinariae, nunquam vero ventrici adhaerentem. Peritonei cavitatis saepius hydropes laborans ob retardatum sanguini-  
nis venosi circuitum, semper fere oedema extremitatum demnum sequi solet, rarissime scenam morbi aperit. Hydrothorax utrinque lateris in mali decursu accedit pariter ac hydropericardia invenitur. Praeceteris vero oedema telae celluloseae totum corporis ambitum complectentis decursum morbi comitari solet. Quae vero phae-  
nomena nequaquam ab impedimento uno me-  
chanico, valvulis mitritis effecto, deducenda sunt, praecipue contra a minuta sanguinis de-  
carbonisatione, unde fit, ut sanguis minus aptus ad nutritionem atque secretionem normalem reddatur. Quia de causa in decursu quoque morbi permulta cyanoseos accedere solent indicia, ut livor faciei, totiusque corporis, turgor venarum, haemorrhagiae; agroti nisi ipsa accessione ex-  
stinguuntur, lentam miserrimamque mortem pa-  
tiuntur.

### § 16.

Laesa valvula mitrali vel cartilaginea vel

ossea mutatione symptomata eam indicantia e turbato sanguinis arterioso adiuu ad veniculii sinistri caveam atque e pulmonibus fluidi hujusce majori copia oneratis originem ducere debent. Respiratio difficultis, dyspnoea, simplici hujus ostii coactatione effecta principio intervallis incedit, animo corporeoque excitato augetur, in decursu vero morbi saepius, nulla causa excitante, accedit, neque ullam quidem aegrotis remissionem concedere solet. Orthopnoea et saepius, quam alio in casu suffocationis discrimen imminet hoc vitio laboramibus. Palpitationes cordis irregulares adeo vehementes interdum, ut pectus sinistrum ad claviculam usque percuti videatur (1), accedunt. Hodgson (2) duplcem cordis ictum hoc in vitiq memorat, prior efficit atrio sinistro dilatato nec non hypertrophic, alter vero venicululo sinistro. Berzin peculiarem cordis contractionum mutationem hisce verbis describit: „les battements du coeur forment une sorte de tictac a mouvements inégaux, et si précipités que leur analyse est très difficile“ (3). Pulsus irregularis, durus, acceleratus est, interdum minus et intermitens (4) sed magis, ut reapse liquet, cum cordis ictu consentit statu quieto, in morbi impetu vero arteriae radialis pulsus cum cordis systola haud

covenit. Decubitus nonnisi antrosum fleso corpore conceditur, interdum, ut Corvisati observavit, in latere sinistro; aegrotantes, si dormiunt, somniis gravioribus exchanter atque in supremo morbi gradu quieti nocturnae obsequi haud valent. Anxietas accessiones comitatur, easque praenunciat. Haemorrhagiae accedunt variae, ut epistaxis (1), haemoptoe, quae sine dubio ex vasis pulmonum rupis originem dicit; diarrhoea sanguinea (2). Tussis praecipue morbi exacerbations comitari solet, sed in intervallis quoque auditur; sputa parca, interdum mucosa, purulenta, sanguinis quoque striis intermixta. Omnia fere signa, dum quiescit aegrotans, minorem obtinent gradum, quocunque vero motu corporis animique affectione augmentur, vitaenque discrimen adducunt. Quod pertinet ad indicia stethoscopi ope exhibita: strepitus diastolen cordis comitatur, magis minusve follis fabriliis sonitus imitans et cum peculiari sono a sanguine retuso, si foramen venosum ob valvulas induratas immobileve occludi nequit, effecto misceatur. Auditur hicce strepitus praecipue ex adverso valvulae mitralis i. e. in sinistro sterni margine inter costam tertiam et quartam, supra locum, quem cordis sese contrahentis mucro concutere solet: obscuritate ab illo valvulis Aortae vitiatis provocato differt; susurrum interdum vasorum placentae uterinae imi-

1) Berzin l. c. p. 152. Obs. L.  
2) l. c. p. 55. Kreyssig eodem in loco.  
3) l. c. p. 182. Obs. L.  
4) Berzin ibid.

1) Corvisart. l. c. p. 198. Obs. 49.  
2) ibidem.

tat (1), vel in serrae vel limae strepitum con-  
vertitur ut Hope (2) docet. Laennec (3) praeterea sonitum fremitus catare vocatum ob-  
servavit, *diasolea cordis* obsidemt atque cum  
arteriae radialis pulsu alternante. Haec vero  
indicia saepius mutari, si aliæ accedunt ad  
foramen vitiatum affectiones, facile intelligi-  
tur. Pectus percussum varium edit sonum, quia hu-  
jusmodi valvularum via saepissime multifaria  
vel pulmonum vel cordis ipsius morbis stipan-  
tut. Ad haec accedunt dolores vel regionem  
praecordialem, thoracis sinistri partem nec non  
brachium ejusdem lateris occupantes, pungentes  
fere ad digitorum extremitates descendant, ri-  
gore excipiuntur; plenitudinis sensus in prae-  
cordis haud deest, livor faciei, turgor vena-  
rum facialium, frigus manus et pedum, oede-  
ma vel extremitatum inferiorum vel totius telae  
cellulosae, hydrops abdominis et pectoris: ae-  
grotantes vel repentina morte opprimuntur vel  
macie confecti lenteſcentes ultimum obire diem  
solent.

§ 17.

Induratis valvulis Aortae orificium ambe-  
nuntibus signa pathognomonica praecipue in san-  
guinis aditu ad arterias impedito et in venari-

culo sinistro ejus mole onerato sunt querenda.  
Palpitationes cordis majori uiri solent vehementia  
quam in alia quacunque laesione, oculis in-  
terdum facile conspicuntur et a contractione  
ventriculi sinistri fortiori atque ab hypertrophia  
semper fere hoc in casu exorta, derivandæ  
sunt, qua de causa plenus interdum pulsus in-  
veniatur (1). Pulsus arteriae radialis nullo mo-  
do, ut necessario sit, respondere solet cordis  
sistolæ, interdum si minorem obtinet gradum  
valvularum virtutis, vel aegrotans quieta vitae  
gaudente conditione, regularitatem quandam  
conservat, impetu vero instanti mutari solet eo  
modo, ut supra indicavimus. Atamen pulsus  
in sensibili modo in una (2), modo in utraque  
arteria radiali (3), debilis, molliis (4) irregula-  
ris inveniatur. Kreysig (5) ictum cordis inter-  
mittentem, praecipue si per totum vitæ decur-  
sum observatus est neque a causa quadam  
Aortam comprimente excitatus, huic valvula-  
rum virtutis antecedere memorat. Baillie hujus-  
modi laesiones nequaquam certis signis indica-  
ri, ait, nisi ad respirationem molestam et cor-  
dis palpitationes intervallis quibusdam sese au-  
gentes cum suffocationis discriminé connexas,

1) Hope l. c. p. 425. Obs. 2.

2) Corvisart l. c. p. 215. Obs. 32.

3) Bertin l. c. p. 191. Obs. 53.

4) Hope l. c. p. 468. Obs. 17.

5) Die Krankheiten des Herzens systematisch bear-  
beitet von D. F. L. Kreysig. Berlin 1814, Bd. II,  
Abth. 2 p. 595.

1) Bertin l. c. p. 177.

2) l. c. p. 425. Obs. 18.

3) l. c. p. 556. Obs. 41.

respias. Nihilominus evenit haud raro, ut indicia reliqua siquidem sigmoideae in osteogenesim conversae sunt, pulsu irregulari excepto, plane desint, praecipue in hominibus jam aetate provocatis; quod tamen, ut optimo jure cl. Hodgson monet, a tarditate sanguinis per vasa perfecti, omniumque functionum et a consuetudinis lege, qua sit, ut cor magis magisque statui morbosco sese assuecat, derivandum esse videtur. Si reputamus omnia symptomata necessaria, saepe valvularum sigmoidearum via cognosci posse haud negabis. Respiratio debilis, ingravata, crebro vehementer aegrotantes anhelare cogit; nec orthopnoeae nec ipsius suffocationis accessiones desunt, praecipue si quacunque animi vel corporis exercitatione sanguinis circulatio augetur. Tussis vel accessiones morbi vel intervalla comitatur, spasmatica, interdum sicca, saepe vero mucosa, aut cum sanguinis exscrezione, nec non in haemoptysis interdum convertitur (1). Exploratio cordis, stethoscopio adjuvante, signa quedam memoratu digna edit: strepitus percipitur, praecipue inter ventriculi sinistri systolen medio in sterno ibique magis minusve sibilans auditur atque explorantie aure facilius, quam in reliqua thoracis parte intelligitur. Quando strepitus hic per ascendenter Aortae partem clarus (2) et sibilans, a superficie thoracis haud remotus audi-

tur affectionem Aortae ipsius conjectura consequi possumus. Sonitus vero si cum diastola ventriculi sinistri cohaeret, sanguine per ostium arteriosum regurgitante efficitur, eumque ex adverso valvularum sigmoidearum haud procul a superficie locum obtinentem observamus. Attamen strepitum huncce haud magni esse momenti, Hope monet, quia sanguis advectus impedit, quo minus major copia retundatur. Stridor vero, si in pulsu adest maximam ostii arteriosi coartationem indicat. Symptomata, quae decursum mali comitantur, cum illis ante indicatis convenient.

### § 18.

Valvula tricuspidalis orificio venosum dextrum amplectens, rarius quam ceterae, ut jam monimus, ossea vel cartilaginea mutatur affectione, quo in casu signa praecipue in affecta respirandi facultate et in systemate venoso corporis totius apparent. Respiratio placida, debilis magis videatur quam difficultas dum quiescit aegrotans sed impedita quoque cum sibili sonitu conjuncta invenitur (1). Pressionis sensus conjunctus est cum dolore cordis regionem vel inferiorem sterni partem occupante. Rubor nec non livor genarum, laborum non in facie solum sed in reliqua etiam corporis superficie ob haesitantem sanguinis venosi propulsionem

1) Allan Burns l. c. p. 188.  
2) Hope l. c. p. 277.

1) Bertie l. c. p. 201.

accidunt. Lipothymiae ob minutum cruris ad pulmones aggressum et cordis palpitaciones quemcumque corporis animique motum sequuntur. Kreyssig pulsus non admodum mutatum cum cordis ictu convenire docet, quia sanguinis cursus per ventriculum sinistrum haud impeditur, sed excitatis palpitationibus pulsus observatur irregularis minutus, systole cordis haud respondens, hoc tamen e signo solo, ut Kreyssig memorat, nil conjicere possumus. Praeterea ad coarctatam valvulam tricuspidalem venarum jugularium atque regionis praecordialis accedit pulsatio, quae sanguine, contrahebre se in atrio dextro, saepe dilataata atque hypertrophic, repulso efficitur. Burne aegrotam observavit, in qua manu regioni praecordiali imposita undulationem quandum percipere potuit. Ob retardatum sanguinis venosi ad pulmones aggressum jecur tumet, aliaque laesam digestionis functionem indicantia signa accidunt, ut vomitus, ructus, flatus etc. Tussis mucosa, rarius ob spasmodicam bronchiorn contractionem atque auctam tunicae mucosae secretionem sanguinolenta est; epistaxis, frigus extremitatum vel thoracis vel abdominis accidunt. Retardatus sanguinis cursus et vasis cerebrum amplectentibus venosis paralytiae vel apoplecticae affectioni ansam praebet. Inter signa auscultatione indirecta exhibenda follis fabrilis streptus nec non fremitusse cataste Bertin semper se animadver-  
tisse narrat (1). Audiuntur hujusmodi sonitus:

1) I. c. p. 291.

praecipue media in sterni parte inter costae ter-  
tiae et quartae cartilagineas.

§ 19.

Quod ad valvulas semilunares arteriae pul-  
monalis pertinet, earum via rarissime reperi-  
untur. Signa ea indicantia pulmones et cor  
occupare solent. Angor enim ob minutam san-  
guinis ad pulmones advecti copiam, motu cor-  
poris, animi paitemate provocatur, lipothymia  
cum suffocationis periculo imminent; constrictio-  
nis sensus pectus occupat, qui intervallis quo-  
que perdurat. Palpitaciones cordis eo magis  
accidunt, quo saepius vitium valvularum cum  
hypertrophia ventriculi dextri incedit; pulsus  
variabilis, in accessione minutus, debilis, rarius  
irregularis invenitur. Morbo perdurante multa  
cyanoseos symptomata observantur; macilenta,  
oedema, morte sequuntur. Explorato thorace,  
strepitus ante memorati, auri praeceteris propin-  
qui audiuntur, nec non sibilis comitantur. Hu-  
jus oris scii vitia saepius congenita, quam in vi-  
tae decursu acquisita esse, Bertin (1) monet,  
quippe quae praecipue in junioribus jam a pri-  
ma inde juventute palpitationibus cordis et spi-  
ritus angustiis laborantibus cognoscantur.

§ 20.

Vegetationes globulosae et verrucosae, sup-

1) I. c. p. 199.

ra jam descriptae, signa pathognomonica, Corvisart teste, affirme solent, quae magis minusve ab coarcato ostio vel atrii vel ventriculi, cuius occupant valvulas, nec non ab haesitante sanguinis cursu pendere solent, eo tamen discrimine, ut certo tempore in morbum incidere soleant aegrotantes. Vegetationes enim varium habent situm, modo in sanguinis undis natant, vel, quacunque causa, ad orificia descendunt eaque occludunt, quo in casu signa laesae circulationis atque respirationis produci solent, eo magis, quo valvulae, quibus adhaerent, ossea vel cartilaginea affectas sunt mutatione. Laenec autem hujusmodi excrescentias nisi numero et mole praevalent, ob mollem suam conditio nem ne ullum quidem signum excitare posse, existimat. Occurrunt enim in hominibus aliis vel cordis vel pulmonum vritis jam labefactatis, quae majori in gradu medentis in se convertant animum. Phaenomena vero oculata cordis ostia indicantia a Corvisart, Berlin, Hope enumerantur, atque fere cum illis ante memoratis convenient. Palpitationes cordis adsunt vehementes, irregulares, pectusque fere attollunt; desunt interdum, ut Corvisart docet (1); pulsus irregularis, minutus, debilis et, remoto impedimento, regularis; respiratio ingratata erecta cervice aegrotantes anhelare cogit; lipothymiae cum suffocationis periculo atque iussis accedunt. Spuma mucosa interdum sanguine inquinata ex-

1) l. c. p. 219.

screantur (1); decubitus vel in hoc vel in altero corporis latere haud concessus est. Dolores vel thoracem sinistrum vel hypochondrium ejusdem lateris occupant (2); quietes nocturna somniis gravibus interrumpitur, epistaxis; faciei livor, frigor extremitatum adsunt; haud raro in accessione vita cum morte commutatur. Decedunt symptomata, si vegetationes orificio occludentes removentur. Valvulae mitrales aquae sigmoidae Aortae saepius quam reliqua hoc morbo ob sideri solent, unde liquet, indicia eo effecta praecipue ad turbatam circulationem arteriosam spectare, qua in re observations auctorum convenient. Auscultatione indirecta Laenec (3) teste, sonitus peculiaris, cliquetis vocatus percipitur, quem cum aquae susurru in olla vitrea agitat comparat. Felium susurus quoque manu praecordiis imposita difficilius percipi potest, quam in reliquis valvularum affectibus; systolen cordis, si semilunares Aortae vittio hocce occupantur, sonitus follis fabrilis comitatur, rarius limiae strepitus adest.

### § 21.

Signa haecce enumerata saepe non eodam ordine, quo exposuimus, valvularum vitta comitari solent, alia plane desunt, alia adeo mi-

1) Berlin l. c. p. 204.

2) ibid. p. 203.

3) l. c. p. 590.

nori in gradu aegrotantes vexant, quam ut ex his solis de morbi specie conjecturam facere haud licet: quod in senibus praecipue cadit. In diagnosi quoque *statuenda ad illa praecipue signa animum advertere debemus, quae in corde ipso, in pulmonibus laesis atque in pulsu, a statu normali decadente, observantur; si vitia haecce in intervallo quoque accedunt, aut animi pathemate aut corporis nimia exercitatione aut, quod in morbo crescente saepius observantur, nulla causa occasionali excitata, — si porro in hominibus observantur majori nervorum sensibilitate haud praediti; si affectiones antecedunt, quae magis minusve cor vasaque magna laedere et hujusmodi vitia provocare valent, et, si morbi accessione in dies violentiores et creibiores sunt et aegrotantem neque nocte neque interdiu conquiescere patiuntur; si denique oedemate, livore faciei aliquaque morbi coerulei signis stipantur, diagnosis laesiorum plurimis in casibus certa statui potest.*

§ 22.

De foraminum cordis dilatatione mentio facienda est: qua sit, ut valvulae vel integrae vel jam degeneratae ostium, cui occludendo praefecta sunt, haud satis operire valeant, sanguinis que regurgitatiōnē ex alterā in alteram cordis caveam ansam praebent. Corvisart, Allan Burns atque cl. Kreysig hoc vitium memorant. Saepē hujusmodi affectio variis visceris illius morbis stipatur, pertaro-sola inventur, inde patet, auctores eam sapienter neglexisse atque signa

decursum morbi indicantia reliquis attribuisse causis. Quod ad indicia ostii cujuscunq; dilatati attinet, maximum inter ea sanguine regurgitante producta locum obsident, quo sit, ut cavitas infra ostium dilatatum sita sanguini advehenti haud sufficiat, ejusque affluxum prohibeat, quare mox pulmones, mox systema totius corporis venosum nimio eius mole scacent. Inde vibratio venarum jugularium regionisque praecordialis; respiratio anhelosa, anxia, dysponea nec non apnoea atque tussis vel ad morbi accessiones vel ad interralla quoque accedere solent. Palpitatores cordis vehementer mox animi corporisque mox excitatae mox continuo vexant aegrotantes. Corvisart eas sonitu tremissimè catare vocato stipulas observavit. Pulsus est debilis, minutus, irregularis, acceleratus. In decursu morbi signa accrescent, exitiumque aegrotantis, ut reliqui valvularum vitia, atrahere solent.

§ 23.

Recentiori autem aero de valvularum Aortae initium custodientium imbecillitate mentio facia est (1), qua sit ut neque ostium arteriosum

---

(1) Ueber das anhaltende Offnenstehen der Mündung der Aorta oder die Unzulänglichkeit der Klappen der Aorta von Dr. Corrigan. Med. chir. Zeitung. IVter Jahrgang 1832. De l'insuffisance des valvules aortiques par. Guyot de la Gauche. Paris 1834.

satis occludatur, neque regressus sanguis prohibetur. Affectio haecce haud semper cum mutata valvularum structura incedit; magis vero causam habere videur in minuta vi vitali, quare vice sua haud satis fungi valent. Variam formam induunt valvulae: modo hic illuc resorptione laesae foramioulis praeditae sanguini redditum in ventriculum sinistrum concedunt: modo una modo altera illarum dilacerata est: quo in casu sanguine pressa in ventriculum descendit et regurgitationi sanguinis ansam ptebet; modo omnes ires ad parietes Aortae attrahet atque inversae eundem provocat effectum: ut in senibus aneurysmate arteriae magnae ad ostium usque arteriosum descendente laborantibus observatur. Signa hic quoque, ut in multis cordis vitiis, maximam partem haud certa redduntur: nonnulla vero huic affectioni peculiaria inveniuntur. Palpitationes cordis, quo cunque corporis motu auctae: pressionis sensus praecordia obtinens morbum inchoare solent; ad haec tussis incerto tempore accedit, interdum deficit; sputa parca ejiciuntur; spiritus ducenti angustiae adsunt. Praecipue vero capit is atque extremitatem superiorum adeo micant arteriae, ut ipsis oculis facile conspiciantur: sonitus aeris follem fabrilem pervehentis strepitum imitantur Aortam adscendentem atque arterias subclaviae obtinet, sibilus quoque et fremitus continent, atque digito arteriae radialis imposito percipiuntur. Pulsus semper fere plenus, frequens, chordae metallicae ad instar vibrat. Sed signa haecce, Corrigan teste, cum causa efficiente adeo cohaerent, ut facile ex illis diagnosis statui

possit. In decursu morbi augmentur molestiae: aegrotantes suffocationis metu jactantur, facies ante pallida erubescit; somnus turbatur; arteriarum rami timent atque magis flexae conspicuntur; oedema extremitatum sequitur atque morte morbus finitur. Corrigan et Guyot de la Gauche in describendo morbo consentiunt.

---

### Historia morbi <sup>1)</sup>.

Schuije, virgo rustica triginta annos nata in aegrotorum, quibus in nosocomio catholico Rigeni medicina adhibetur, numerum recepta est die III. m. Febr. MDCCCXXV. Aegrotae corporis habitus erat macilens et cachecticus cum labiis genisque lividis et sclerotica lactea. Spiritus ei erat sibilans, intersectus, anhelosus;

---

1) Der Gesellschaft praktischer Aerzte zu Riga, mitgetheilt am 20. März 1835 von Dr. Blosfeld, praktischem Aerzte dasselbst.

pussi laborabat assidua et effreni cum sputis purulentis, passim sanguine intermixtis; venae jugulares perspicue micabant. Manus cordis regioni imposita, singularem quandam hujus visceris tremorem et undulationem sensiebat (quem Lacunae fremitus estatare, nostri vocant „schauriges Gefühl“) simul cum pulsibus arteriarum. Pulsus obscurus quidem sed durusculus, in utroque carpo aequalis et in universum regularis erat. Admoto thoraci stethoscopo sive aure adposita strepitus ibi sibilans, serratus imo follicularis audiiebatur et contractio-nes cordis in ventriculo@ sinistro iis ventriculi dextri vehementiores esse, facile poterat diagnoxi, denique sternum, digiti percussum sonum obtusum edebat. Misera, quae tanta malitia forti et patienti animo ferebat, ponderis sensum in pectore habebat, veluti cor manu comprimeretur. Eumis stantique corpus antorsum inclinabat et cubitus in dorso difficiles erant, commodiores in lateribus praecipue in sinistro. Quic nocturna saepius anxietate, angore, suffocationis metu et tussi sub nocte invalescente impediabant: quae quidem symptoma interdu quoque in minimo corporis moto ingravescerent; quam ob rem, ut ne anima deficeret, consistere et lecto insidi debebat. Gaeterum neque syncope neque vertigine aut capitii dolore aegrota affiebatur et urinam paucam, rubram et crassam mittebat. Crura, pudenda et abdomen oedemate insigni extensa erant, partes vero extremae continuo algebant. In dorso decubitus erat in procinctu. Exhibebantur pulveres e foliis digitali purpur. gr<sup>ß</sup> et tremor. tart. 3<sup>ß</sup>, quater

de die porrecti, usque ad vi. d. m. Mariis omnia meliorem omnino speciem prae se ferebant. Ab hoc vero die omnia in pejus ruerunt: anxietatis asthmatisque molestia in dies augebatur et pulsus vix jam tactu poterat cognosci. Tandem miseram d. XI. m. Mari. hisce malis placida mortis liberabat.

### Diagnosis.

Ex iis, quae hactenus attulimus, coarctati-onem ostiorum venosorum, praecipue dextri et valvularum tricuspidalium et mitralium coalitio-ne conciliatam incrassationem ventriculi sinistri et hydropericardiam, tot malorum tritissimum exitum, praevideri poterat.

### Autopsia cadaveris.

Cadaver adiposum et satis carnosum erat. Pulmones integerrimi neque sanguine oppleti neque tuberculosi neque ad vicinas partes adcreti inveniebantur. In mediastino antico supra cor aliquantum adipis erat. Pericardium caeterum a norma non recedens totum latice flavescente impletum erat. Cor, poius parvum ad decursum vasorum suorum adiposum apparebat. Utrumque atrium substantia alba, tendinea, quae digitii minimi ambitum non excede-

bat impletum erat. Cujus massae radices in auriculas et in venas cavas et pulmones porrigebantur et nisi magno negotio non poterant deduci. Caeterum neque ullum cordis cavum, neque ejus vasa vel guttae sanguinis continebant. Vena magna Galeni ampliata erat, itemque ejus ostium, quamquam valvulae Thebesii normalis erat. In septo atriorum ad fossam ovalem rima ad pennae anserinae ambitum conspiciebatur. Valvula Eustachii et ligamentum, quod in foetu ductum arteriosum Botalli constituit, sicut in adultis esse solent, reperiabantur. Valvulae tricuspidales fibris transversis intertextae ostium venosum dextrum spatium dito auriculari minus non relinquenter. Eodem modo sed paulo minus valvulae mitrales ostium venosum sinistrum coarctabant. Valvulae semilunares nihil vitii ostendebant. Ventriculus dexter parietibus flaccidis, sinister, cuius cavum minutum erat, carnosus et crassis cingebatur. Omnia vasa cordi vicina a norma haud recedebant.

### Epicrisis.

Morbi decursus et quae cadaveris sectio nobis patefecit vitia ratiora, morbum cordis complicatum demonstrant. Diversae tamen, quae in corde inveniebantur, anomaliae efficiebant, ut symptomata non sibi constarent et saepe sibi contraria essent, ita ut vix vituperandus esset, qui in diagnosi errorem commississet. Quod

quidem nobis accidisse, supra jam indicavimus. Prae ceteris hydropericardia impediebat, quo minus morbum accuratius diagnoscere possimus. Suspiciati quidem sumus ostiorum venosorum coarctationem, quae tamen ob communicationem illam atriorum, quam praevide re non potuimus, non tam apertis signis dignosci poterat. Tamen apertura haec non nimia neque impedit, quo minus circuitus sanguinis per pulmones perficeretur, neque sanguinis decarbonisationem penitus tollebat. Oriundae huic aperturae, ut verissime est, valvularum tricuspidalium coalitio annam praebuerat. Altera ex parte fluxus sanguinis per pulmones non omnino cohibus causa fuit, cur acrioris cyanoseos signa defuerint, qua de causa cor denique, quod in cyanosi per magnum esse solet, parvum hic repertum sit. Inde liquet, cur pulmones non sanguine abundaverint, cur venarum jugularium micatio modica fuerit, denique cur syncope et vertigo defuerint. Procul dubio aegra, cum tali modo cor comparatum esset, quod adjuvante natura medicatrix ad circulationem foetalem et adulterorum aptum erat, diutius si vixisset, nisi valvulae mitrales ostium venosum coarctantes circuitum sanguinis majorem impeditivissent. Hinc vero incrassationem ventriculi sinistri, vasorum cordis propriorum dilatationem, hydropericardiam et ascitem oriri, necesse est.

T H E S S.

- 1) Cor voluntati haud est subjec-tum.
  - 2) Tunica superficiem cordis in-ternam obducens eadēm, qua pericar-dium, gaudet structura,
  - 3) Affectiones tunicae hujus va-riæ ex inflammatione originem tra-hunt.
-